

### III. FINACIJSKO KONSOLIDIRANJE DRUŠTVA SA SUDJELOVANJEM DRŽAVNOG KAPITALA ILI DRUŠTVA SA 100% SUDJELOVANJEM PRIVATNOG KAPITALA

#### Članak 11.

Financijsko konsolidiranje društva sa sudjelovanjem državnog kapitala i društva sa 100% sudjelovanjem privatnog kapitala može obuhvatiti dugovanja nastala zaključno do 30.09.2013. godine temeljem:

- doprinosa za zdravstveno osiguranje,
- doprinosa za osiguranje od neuposlenosti,
- poreza, isključujući poreze na dodanu vrijednost,
- dugovanja prema uposlenicima i
- isporučene vode, struje, plina, grijanja i ostalih komunalnih usluga.

Financijsko konsolidiranje dugovanja društva sa sudjelovanjem državnog kapitala i društva sa 100% učešćem privatnog kapitala za doprinose za mirovinsko i invalidsko osiguranje bit će predmet posebnog zakona.

Na postupak financijskog konsolidiranja društva sa sudjelovanjem državnog kapitala i društva sa 100% sudjelovanjem privatnog kapitala shodno se primjenjuju čl. 6., 7., 8., 9. i 10. ove uredbe s tim da gospodarska društva sa 100% sudjelovanjem privatnog kapitala zahtjev za pokretanje postupka financijskog konsolidiranja podnose federalnom ministarstvu mjerodavnom prema pretežnoj djelatnosti koju obavlja gospodarsko društvo sa 100% sudjelovanjem privatnog kapitala koje se konsolidira. Vlada Federacije Bosne i Hercegovine mjerodavna je za odlučivanje u postupku financijskog konsolidiranja gospodarskog društva sa 100% sudjelovanjem privatnog kapitala.

#### Članak 12.

Financijsko konsolidiranje dugovanja društva sa sudjelovanjem državnog kapitala i društva sa 100% sudjelovanjem privatnog kapitala temeljem doprinosa za zdravstveno osiguranje, doprinosa za osiguranje od nezaposlenosti i poreza, isključujući poreze na dodanu vrijednost, sukladno ovoj uredbi izvršit će se na način i prema prioritetima kako slijedi:

- izmirenjem duga gospodarskog društva ranije izdatim obveznicama na temelju ratnih potraživanja izdatim na ime gospodarskog društva koje se konsolidira, a čiji emitent je Federacija Bosne i Hercegovine pri čemu vrijednost obveznica podrazumijeva vrijednost utvrđenu rješenjem o verifikaciji ratnih potraživanja,
- izmirenjem duga na teret kapitala gospodarskog društva koje se konsolidira.

Ukoliko se financijsko konsolidiranje dugovanja za društva sa sudjelovanjem državnog kapitala temeljem dugovanja iz stavka 1. ovoga članka vrši na teret Federacije Bosne i Hercegovine, obavezno je u strukturi kapitala društva izvršiti odgovarajuće povećanje sudjelovanja državnog kapitala.

Ukoliko se financijsko konsolidiranje dugovanja za društva sa 100% sudjelovanjem privatnog kapitala temeljem dugovanja iz stavka 1. ovoga članka vrši na teret Federacije Bosne i Hercegovine, kao naknadu za izmireni dug Federacija Bosne i Hercegovine stječe vlasništvo nad dionicama ili udjelom u temeljnom kapitalu tog društva u vrijednosti jednakoj vrijednosti otpisanog duga samo ako je vrijednost tog poduzeća veća od njegova duga.

#### Članak 13.

Financijsko konsolidiranje dugovanja društva sa sudjelovanjem državnog kapitala i društva sa 100% sudjelovanjem privatnog kapitala temeljem dugovanja prema uposlenicima može se izvršiti promjenom strukture temeljnog kapitala društva sa sudjelovanjem državnog kapitala ili društva sa 100% sudjelovanjem privatnog kapitala u korist uposlenika u iznosu jednakom iznosu dugovanja društva koje se konsolidira, ukoliko

društvo koje se konsolidira pribavi prethodnu pisanu suglasnost uposlenika.

#### Članak 14.

Financijsko konsolidiranje društva sa sudjelovanjem državnog kapitala i društva sa 100% sudjelovanjem privatnog kapitala za dugovanja temeljem isporučene vode, struje, plina, grijanja i ostalih komunalnih usluga može se izvršiti reprogramom dugovanja radi izmirenja pod povoljnim uvjetima, uključujući odgodu plaćanja i plaćanja dugovanja u obrocima.

Financijsko konsolidiranje dugovanja društva sa sudjelovanjem državnog kapitala i društva sa 100% sudjelovanjem privatnog kapitala za dugovanja iz stavka 1. ovoga članka obuhvata izmirenje glavnog duga, a kamate se mogu otpisati. Odluku o otpisu kamata donosi mjerodavno tijelo gospodarskog društva kojem se duguje.

Financijsko konsolidiranje dugovanja društva sa sudjelovanjem državnog kapitala i društva sa 100% sudjelovanjem privatnog kapitala za dugovanja temeljem isporučene vode, struje, plina, grijanja i ostalih komunalnih usluga može se izvršiti ukoliko društvo koje se konsolidira pribavi prethodnu suglasnost gospodarskog društva koje je izvršilo pružanje usluga za izmirenje dugovanja na način iz st. 1. i 2. ovoga članka.

### IV. PRIJELAZNE I ZAVRŠNE ODREDBE

#### Članak 15.

U gospodarskim društvima koja nakon okončanja postupka financijskog konsolidiranja nisu stekla uvjete za redovito poslovanje, odgovorna osoba dužna je hitno, a najdulje u roku 60 dana pokrenuti stečajni postupak sukladno odredbama Zakona o stečajnom postupku ("Službene novine Federacije BiH", br. 29/03, 32/04 i 42/06).

#### Članak 16.

Ukoliko Vlada Federacije Bosne i Hercegovine donese odluku o financijskom konsolidiranju, federalno ministarstvo koje je predložilo donošenje te odluke dužno je pratiti realiziranje postupka financijskog konsolidiranja u konkretnom slučaju i o tome redovito, a najmanje jednom u šest mjeseci informirati Vladu Federacije Bosne i Hercegovine.

#### Članak 17.

Stupanjem na snagu ove uredbe prestaje da važi Uredba o postupku financijskog konsolidiranja gospodarskih društava u Federaciji Bosne i Hercegovine ("Službene novine Federacije BiH", br. 70/14 i 13/15).

Ova uredba stupa na snagu narednog dana od dana objave u "Službenim novinama Federacije BiH" i primjenjivati će se do stupanja na snagu Zakona o izmjeni Zakona o financijskom konsolidiranju gospodarskih društava u Federaciji Bosne i Hercegovine.

V. broj 1268/2017  
28. rujna 2017. godine  
Sarajevo

Premijer  
**Fadil Novalić**, v. r.

**ФОНД ЗА ЗАШТИТУ ОКОЛИША  
ФЕДЕРАЦИЈЕ БОСНЕ И ХЕРЦЕГОВИНЕ  
УПРАВНИ ОДБОР**

**1253**

Na osnovu člana 27. stava 4. Zakona o Fondu za zaštitu okoliša Federacije Bosne i Hercegovine ("Službene novine Federacije BiH", broj 33/03) i člana 44. stav 3. Statuta Fonda za zaštitu okoliša Federacije Bosne i Hercegovine ("Službene novine Federacije BiH", broj 33/06), Upravni odbor Fonda za zaštitu okoliša Federacije Bosne i Hercegovine na prijedlog direktora Fonda i uz saglasnost Federalnog ministarstva okoliša i turizma, na 8. sjednici održanoj dana 28.09.2017. godine, donio je

**PRAVILNIK  
O IZMJENI PRAVILNIKA O USLOVIMA I NAČINU  
DODJELE ZAJMOVA, ILI POZAJMICA I DRUGIH  
SREDSTAVA FONDA**

Član 1.

U Pravilniku o uslovima i načinu dodjele zajmova, ili pozajmica i drugih sredstava Fonda za zaštitu okoliša Federacije BiH ("Službene novine Federacije BiH", broj 75/10) član 22. stavovi 1. i 2. zamjenjuju se novim stavom 1. koji glasi:

"Javnim konkursom se utvrđuje:

1. ukupni iznos sredstava koja Fond dodjeljuje po konkursu, uz naznaku iznosa za svaki LOT pojedinačno,
2. maksimalni iznos sredstava koji se može dodijeliti po projektima unutar LOT-a,
3. procenat učešća Fonda za svaki LOT pojedinačno."

Član 2.

Ovaj Pravilnik stupa na snagu danom objavljivanja u "Službenim novinama Federacije BiH".

Broj UO-01-3-6-8-4c/2017  
28. septembra/rujna 2017. godine  
Sarajevo

Predsjednik  
Upravnog odbora  
Mr. **Pero M. Goluža**, s. r.

(SI-1108/17-F)

1254

Na osnovu člana 27. stava 4. Zakona o Fondu za zaštitu okoliša Federacije Bosne i Hercegovine ("Službene novine Federacije BiH", broj 33/03) i člana 44. stav 3. Statuta Fonda za zaštitu okoliša Federacije Bosne i Hercegovine ("Službene novine Federacije BiH", broj 33/06), Upravni odbor Fonda za zaštitu okoliša Federacije Bosne i Hercegovine na prijedlog direktora Fonda, na 8. sjednici održanoj dana 28.09.2017. godine, donio je

**PRAVILNIK  
O POSTUPKU OBJAVLJIVANJA KONKURSA I O  
ODLUČIVANJU O ODABIRU KORISNIKA SREDSTAVA  
FONDA ZA ZAŠTITU OKOLIŠA FEDERACIJE  
BOSNE I HERCEGOVINE**

Član 1.

Ovim Pravilnikom propisuje se sadržaj i postupak objavljivanja javnog konkursa, te postupak odlučivanja o odabiru pravnih i fizičkih osoba (u daljem tekstu: korisnici sredstava) kojima Fond za zaštitu okoliša Federacije Bosne i Hercegovine (u daljem tekstu: Fond), odobrava finansijska sredstva za provedbu programa, projekata i drugih aktivnosti iz okvira zakonom propisane djelatnosti Fonda.

Član 2.

Javni konkurs za ostvarenje prava na sredstva Fonda za namjene utvrđene Zakonom o Fondu za zaštitu okoliša Federacije BiH (u daljem tekstu: Zakon o Fondu) raspisuje se na osnovu odluke Upravnog odbora o raspisivanju javnog konkursa, a na prijedlog direktora Fonda.

Javni konkurs može obuhvatiti sve ili samo određene programe i projekte iz člana 26. stav 1. Zakona o Fondu.

Član 3.

Fond objavljuje javni konkurs, najmanje jednom u kalendarskoj godini, u skladu sa programom rada i finansijskim planom Fonda.

Ako se na temelju prihvaćenih prijava ne iskoriste sva finansijska sredstva planirana za programe i projekte utvrđene javnim konkursom, tokom godine se može za istu namjenu raspisati novi javni konkurs.

Član 4.

Javni konkurs za korištenje sredstava Fonda objavljuje se u "Službenim novinama Federacije BiH", na web stranicama Fonda, te u najmanje dva dnevna lista koja se distribuiraju na području cijele Federacije Bosne i Hercegovine.

Tekst javnog konkursa sadrži:

1. predmet javnog konkursa,
2. korisnike sredstava koji imaju pravo na podnošenje prijave,
3. uslove kojima podnositelji prijave moraju udovoljavati,
4. popis dokumenata koje je potrebno priložiti uz prijavu,
5. kriterije odabira,
6. mjesto i rok za dostavu prijave,
7. rok za donošenje odluke o odabiru.

Član 5.

Rok za podnošenje prijava na javni konkurs ne može biti kraći od 15 dana ni duži od 60 dana.

Prijave se dostavljaju u zatvorenom omotu sa nazivom i adresom Fonda, nazivom i adresom podnosioca prijave, naznakom predmeta javnog konkursa na koji se prijava odnosi i naznakom "Ne otvaraj".

Prijave se dostavljaju preporučenom poštom ili predajom na protokolu Fonda, te se evidentiraju u knjigu ulazne pošte prema redosljedu prijema, sa naznakom broja protokola i datuma prijema.

Član 6.

Postupak po javnom konkursu provode: Komisija za analizu ispunjenosti formalno-pravnih uslova javnog konkursa i Komisija za stručnu analizu prijava, koje posebnim Rješenjima imenuje direktor Fonda.

Komisija za analizu ispunjenosti formalno-pravnih uslova javnog konkursa se sastoji od tri (3) člana, a Komisija za stručnu analizu prijava se sastoji od najviše sedam (7) članova. Rješenja o imenovanju komisija, sa definisanim zadacima i rokovima za njihovu realizaciju, dostavljaju se svim članovima komisija.

Komisija za analizu ispunjenosti formalno-pravnih uslova javnog konkursa je dužna otvoriti sve pristigle prijave, te utvrditi da li su podnesene blagovremeno, da li se odnose na predmet javnog konkursa, da li su podnesene od strane korisnika sredstava na kojeg se javni konkurs odnosi, te da li je uz prijavu dostavljena dokumentacija tražena javnim konkursom, o čemu je dužna sačiniti Izvještaj.

Na osnovu Izvještaja Komisije za analizu ispunjenosti formalno-pravnih uslova, Komisija za stručnu ocjenu prijava vrši dalju analizu i stručnu ocjenu prijava koje ispunjavaju formalno-pravne uslove.

Prijave koje ne ispunjavaju formalno-pravne uslove iz stava 3. ovog člana će biti odbačene, te kao takve ne mogu biti razmatrane od strane Komisije za stručnu ocjenu prijava.

Član 7.

Komisija za stručnu ocjenu prijava vrši analizu i stručno bodovanje prijava koje ispunjavaju formalno-pravne uslove, u skladu sa kriterijima propisanim članom 3. Pravilnika o mjerilima za ocjenjivanje zahtjeva za dodjelu sredstava Fonda, odnosno programa, projekata i sličnih aktivnosti.

Po završenoj analizi i stručnom bodovanju prijava, Komisija za stručnu ocjenu prijava sastavlja listu projekata koji zadovoljavaju stručne kriterije, prema osvojenom broju bodova, za svaki LOT posebno, kao i listu projekata koji ne zadovoljavaju stručne kriterije.

Izvještaj o provedenom postupku analize i bodovanja prijava sa obrazloženjem, zajedno sa listom prijava koje